

Izvještaj o radu Udruženja „Mreža za izgradnju mira“ za 2019. godinu

 БОРНА И ХЕРЦЕГОВИНА
МИНИСТАРСТВО ПРАВДЕ
САРАЈЕВО

ПРИМЛ. ВНО:		04-05-2020	
Организационе Јединице	Класификационе Означбе	Редни Број	Број Печатка



mreža za
izgradnju mira



network for
building peace

1. Uvod

Početak dvadeset i prvog vijeka nosi ozbiljne prijetnje miru u mnogim područjima i regijama, posebno u BiH i Zapadnom Balkanu, gdje još uvijek traje oporavak od ratnih sukoba. Nasilni sukobi još uvijek oblikuju našu svakodnevicu, iako ne i prijetnjama direktnim ratom. Razoružanje je i dalje ključna potreba. Kršenja ljudskih prava, društveno i kulturno nasilje prijete ljudima širom svijeta. Prava i dobrobit žena, djece i porodica su u konstantnoj opasnosti. Ekstremno siromaštvo, nepravedno društvo, ugroženo globalno zdravlje i ekološke prijetnje ostaju prepreke izgradnji mira.

U današnjem svijetu kada sveprisutno nasilje ugrožava život svih nas, svi se suočavamo sa jasnim izborom: status quo koji dovodi do eskalacije nasilja ili put saradnje koji vodi izgradnji mira i boljem društvu.

Ako prihvatimo status quo možemo biti samo pasivni svjedoci nasilnih prijetnji miru. Možemo stajati i dopustiti zlostavljanje u prilog nasilja. Ovaj put vodi prema novoj eskalaciji nasilja, nesigurnosti, polarizaciji i ekstremizmu.

Postoji i drugi put, možemo surađivati za mir. Kao mirotvorci i mirotvorke, možemo govoriti i zajednički raditi na izgradnji mira u našim društvima i lokalnim zajednicama.

Mir je za nas uvijek bio mnogo više od puke odsutnosti rata ili nasilja. Promicati ljudsko dostojanstvo i blagostanje u harmoniji sa planetom Zemljom je srce pozitivne vizije Mreže za izgradnju mira, multinacionalne vizije izražene u smislu zajedničkih vrijednosti, a ne doktrina.

Mreža za izgradnju mira prepoznaje da izgradnja zajedničkog pozitivnog mira također mora uključivati rješavanje zajedničkih prijetnji koje nosi rat, ekstremno siromaštvo i nejednakost, nedovoljan ekonomski napredak, zloupotrebe ljudskog dostojanstva, uključujući negiranje temeljnih ljudskih prava i uništavanje prirode.

Od posebnog interesa je činjenica da su danas nacija i religija zloupotrijebljene u u prilog novih podjela - fundamentalisti ih koriste za poticanje nerazumijevanja, beskrupulozni političari manipulišu razlikama za svoje ciljeve, traže da iskoriste bol, patnju i položaj žrtava rata, siromaštva, kršenja ljudskih prava, različitih oblika zlostavljanja, te senzacionalistički mediji propagiraju negativne vrijednosti.

Raste neprijateljstvo protiv "drugih" i "drugačijih" ciljajući na one najranjivije. Oni i one su izbjeglice i raseljena lica. Oni i one su etničke i vjerske manjine. Ali oni i one su i više od toga: Oni i one su osobe sa invaliditetom, kao i osobe koje žive u ruralnim područjima, ukratko rečeno oni i one su svi oni koji se uklapaju u heteronormativne okvire.

Danas prisutan tsunami neprijateljstva je suprotan kulturi mira, to što vidimo je kultura mržnje. Rastuće neprijateljstvo zaklanja i iskrivljuje naše procjene o tome šta je ispravno a šta je loše. Ovo to se događa na svim nivoima ljudskog života, uključujući nivo osjećaja, koji su istovremeno umrtvljeni, ogrubjeli i potaknuti vatrom nerazumijevanja. Na kraju, rastuće neprijateljstvo potiče prihvatanje barbarizma i nasilja, opravdavajući ih, rekavši da su ovakvi postupci "u pravu", sveteći se za "ono što je počinjeno protiv moje nacije u prethodnim ratovima."

"Prihvatanje drugog i drugačijeg" je lijek protiv rastuće plime društvenog neprijateljstva. Dobrodošlica drugom - kao zajednički element pozitivnog mira - je "svjetlo" u kojem možemo vidjeti rastuću plimu neprijateljstva za ono što je: neprihvatanje, slijepa autodestrukcija, stav da samo naša nacija i religija zna šta je mir.